

A Xarai, el campo de Giam Sabeg, primogenito dil gran turco et signor de la Caramania, con homeni et cavalli N.º 10,000

A Masia, el campo del soltam Machmeth, fiol dil gran signor, in dicto loco, con homeni e cavalli, li quali sono stati mesi 4 senza far alcun exito, anzi con grandissimo terror, et senza alcuna artelaria . . . » 12,000

Se tegneva esser el sforzo del dicto gran turcho, exceptuandoli li infrascripti, li quali non erano. E prima:

Janizari, restati a la Porta del gran signor, . . . N.º 6,500
Asapi, forno scripti et non recolti, . . . » 30,000
Alechingi, zoè stratioti, da . . . » 15,000

Questo è referito per mi Bernardim Zipello, el qual sum stato dal principio in fina a la deliberation, che fu a dì 20 dezembrio 1507.

El campo del Sophi veramente, come fu revelado per un spion mandò el signor del Cagno, se divulga dicto Sophi non haver salvo diexe milia homeni, armadi lori et lhor cavalli. *Tamen*, atrovandome mi da Gagi Sinam in el churbai del dicto signor, disse, dicto Sophi haver homeni e cavalli numero 30 milia, coverti loro et lhor cavalli, et teribeli combattitori, che za mai se renderano, ma ben volevano morir al nome del so signor.

Item, uno altro exercito inextimabile, da 200 milia in su, intra li quali sono christiani da 15 milia. El qual campo, parte de esso, vene fin a Chaisari, 136 zornade 4 in tel paese del gran turcho; et el flambular et populo de Chaisaria, per paura, li mandò a presentar rixi, bestiami 2000, vin, orzo, et formento, et cavalli, et de ogni altra cossa sape domandar. Et da poi disse, che voleva per li soi danari tutto quello che li bisognava, sempre digando non haver guerra com dicto gran turco, ma el suo inimico esser Aliduli; et che Dio el mandava, et a cui non piaseva vegnesse a l'impeto. Et dicto suo campo, con grandissima obedientia, tutto quello tolevano pagavano.

Cussi andò a dosso de dicto Alidulli, et tanto che lo redusse in la più extrema montagna lui habia, chiamata Tornadave, *idest* montagna Bella Gruva. E cussi tolse do terre grosse, abundante de victuaria, nominata una Amit e l'altra Carput, e li disse invernarse; et haver facto gran crudeltà, tuor done et garzoni, et amazar assai homeni. Et, dentro de

dicta terra de Amit, prese uno fiolo et una fia de Alidulli; sì che dicto campo del turco steva con grandissima paura, *etiam* el paese, per tal via, che a Tochat non ge era restà nisuno, anzi erano fuziti in sul mar, per el simel esser stato per mexi tri desabitado, et ancora tute le altre terre circumstante, con grandissima paura dicto campo, che ogni zorno li coreva et se ingrossava.

Item, in el paese del caraman in te la Petra se atrova homeni da 15 milia in suso, a Idim e Lindam assaissima quantità, cha si par sia volontà di Dio che ciaschadum el dimanda.

Etiam in dicto campo haver do boche de artelarie, le qual fa tirar con para 60 de buffali; amico de' christiani, inimico de la fede machometana; et haver con lui certi preti armeni, al qual ogni zorno li lezeno.

Copia di la letera.

Heri scrissi a vostra magnificencia quanto mi accadeva; havendo poi hozi havuto lettere d' Alepo, ho deliberato far questa a vostra magnificencia. Et per chiarirla del tutto, hora uno anno, Alidulli, ch' è un signor in queste montagne, confina con la Soria et parte di la Turchia et Azimia, qual poco tempo, per la bontà e justicia soa, è fato potente signor, have una cità chiamata Amit, lontana zorni 6 de Aleppo a cavallo, quale se li dete da si, et lo chiamano per signor. Quando el Sophi vene questa istade, lo la tolse; partito poi el Sophi, Alidulli la rehave. Di che, havendo mandato al presente el Sophi zente per rehaverla, et 3000 de zente fiorita; et andò suo fiol, el mazor, con uno suo fio, et uno altro fiol de Alidulli, con molti soi parenti et signori ben in hordine. Sentido quelli de Suphi la venuta, mostrono haver paura et schampar, et messeno molti arguaiti; se divulga erano da cavalli 2000. Zonti quelli de Alidulli, se messeno a la roba et a robar, credendo che lhor fosseno scampati. I qualli fonno a dosso 137 talmente, che li rupeno et tajono a pezi, et morti li fioli de Alidulli, rota grandissima, sì che vostra magnificencia intende. lo tegno certo, perchè so che, per bona via, subito el signor de Aleppo spazò messi al Cayro. Et la terra de Aleppo è molto sospesa de tal cossa; tegno ad ogni modo, a tempo novo sarà qualche novità, che Idio non lo voglij per ben nostro. Quanto per zornata achaderà, non mancherò d' aviso a la magnificencia vostra.